



МОНГОЛ УЛСЫН
ҮНДЭСНИЙ БАТЛАН ХАМГААЛАХЫН
ИХ СУРГУУЛИЙН ЗАХИРЛЫН
ТУШААЛ

2024 оны 12 сарын 24 өдөр

Дугаар 1/2024

Улаанбаатар хот

Нэмэлт элсэлтийн зохион байгуулах тухай


Дээд боловсролын тухай хуулийн 18.1, 31.1.5, Боловсрол, шинжлэх ухааны сайдын 2024 оны А/143 дугаар “Журам шинэчлэн батлах тухай” тушаалын нэгдүгээр хавсралтаар батлагдсан “Оюутан элсүүлэх журам”, мөн сайдын 2024 оны А/170 дугаар “Босго оноо тогтоох тухай” тушаал, Батлан хамгаалахын сайдын 2020 оны А/77 дугаар тушаалаар батлагдсан “Үндэсний батлан хамгаалахын их сургуулийн дүрэм”-ийн 11.7.1, 11.7.16 Их сургуулийн захирлын 2019 оны А/139 дүгээр тушаалаар батлагдсан “Дээд боловсролын бакалаврын зэрэг олгох сургалтын журам”-ын 2.2.7 дахь заалтыг тус тус үндэслэн ТУШААХ нь:

- Их сургуулийн 2024-2025 оны хичээлийн жилд Аюулгүй байдлын дээд сургуулийн бакалаврын сургалтын хөтөлбөрийн нэмэлт элсэлтийг 2024 оны 12 дугаар сарын 30-ны өдрөөс 2025 оны 01 дүгээр сарын 17-ны өдрийг хүртэл хугацаанд зохион байгуулсугай.
- Нэмэлт элсэлт зохион байгуулах комиссын бүрэлдэхүүнийг нэгдүгээр, нэмэлт элсэлтийн түр журмыг хоёрдугаар хавсралтаар тус тус баталсугай.
- Батлагдсан журмын дагуу 2024-2025 оны хичээлийн жилийн нэмэлт элсэлтийн үйл ажиллагааг зохион байгуулахыг Сургалтын хэлтэс /хурандаа Д.Энх-Амгалан/-т даалгасугай.
- Элсэлтийн асуудлаар хандсан иргэдэд хүндэтгэлтэй хандаж, мэдээлэл, зөвлөмжөөр ханган, элсэлтийн журмыг мөрдөж ажиллахыг комиссын дарга, гишүүдэд үүрэг болгосугай.
- Тушаалын хэрэгжилтэд хяналт тавьж ажиллахыг Эрдэм шинжилгээ, хамтын ажиллагаа хариуцсан дэд захирал, хурандаа Б.Өлзийхуягт хариуцуулсугай.

ЗАХИРЛЫН АЖЛЫГ ТҮР ОРЛОН ГҮЙЦЭТГЭГЧ
БРИГАДЫН ГЕНЕРАЛ  С.ДАШЗЭВЭГ



Боловсруулсан: хур Т.Дамдинсүрэн
Хянасан: М.Пүрэвсүрэн
Хянасан: хур Б.Өлзийхуяг
Хувь: 01



ҮБХИС-ийн захирлын
2024 оны 12 дугаар сарын 22-ны
өдрийн 12 дугаар тушаалын
нэгдүгээр хавсралт



Нэмэлт элсэлт зохион байгуулах комиссын бүрэлдэхүүн

Комиссын дарга:

Д.Энх-Амгалан

Сургалтын хэлтсийн дарга, хурандаа;

Нарийн бичгийн дарга:

С.Мөнхсаруул

Сургалтын хэлтсийн ахлах мэргэжилтэн, ахмад;

Гишүүд:

Т.Дамдинсүрэн

Сургалтын хэлтсийн бакалаврын хөтөлбөр,
сургалт хариуцсан ахлах мэргэжилтэн; хошууч

Г.Балжинням

Аюулгүй байдлын дээд сургуулийн Эрдэм
шинжилгээ, сургалтын албаны дарга;

У.Эрдэнэчимэг

Статистик, мэдээлэл, дүн шинжилгээ хариуцсан
мэргэжилтэн.

СУРГАЛТЫН ХЭЛТЭС

ҮБХИС-ийн захирлын
2024 оны 12 дугаар сарын 17-ны
өдрийн 1700 дугаар тушаалын
хөёрдугаар хавсралт

ҮНДЭСНИЙ БАТЛАН ХАМГААЛАХЫН ИХ СУРГУУЛИЙН БАКАЛАВРЫН ХӨТӨЛБӨРИЙН НЭМЭЛТ ЭЛСЭЛТИЙН ТҮР ЖУРАМ

Нэг. Ерөнхий зүйл

1.1. Энэхүү журмаар Үндэсний батлан хамгаалахын их сургууль /цаашид ҮБХИС гэх/-ийн 2024-2025 оны хичээлийн жилийн бакалаврын хөтөлбөрийн нэмэлт элсэлтийг зохион байгуулахтай холбоотой харилцааг зохицуулна.

1.2. Монгол Улсын Дээд боловсролын тухай хууль, Боловсрол, шинжлэх ухааны сайдын 2024 оны А/143 дугаар тушаалаар батлагдсан “Журам шинэчлэн батлах тухай” тушаалаар батлагдсан “Оюутан элсүүлэх журам”, мөн сайдын 2024 оны “Босго оноо тогтоох тухай” А/170 дугаар тушаал, Үндэсний батлан хамгаалахын их сургуулийн захирлын 2019 оны А/139 дүгээр тушаалаар баталсан “Дээд боловсролын бакалаврын зэрэг олгох сургалтын журам”-ыг удирдлага болгон элсэлтийг зохион байгуулна.

1.3. ҮБХИС-ийн бакалаврын хөтөлбөрт элсэхээр хүсэлт гаргасан иргэнийг “бүртгүүлэгч”, зохих болзол хангаж элсэлтийн хяналтын тоонд багтсан бүртгүүлэгчийг “элсэгч”, элсэлтийг зохион байгуулахаар томилогдсон комиссын бүрэлдэхүүнийг “элсэлтийн комисс”, элсэлтийн үйл ажиллагаанд оролцох ажилтныг “комиссын гишүүн” гэнэ.

1.4. Энэхүү журмыг ҮБХИС-ийн <http://mndu.gov.mn> цахим хаяг Facebook-ийн ҮБХИС-ийн дэргэдэх “Эрдэм студи” хуудас болон хэвлэл, мэдээллийн хэрэгсэлд байршуулан, бүртгүүлэхийг хүсэгчдэд танилцах нөхцөл боломжийг бүрдүүлнэ.

1.5. Журмын хэрэгжилтэд төрийн захиргааны төв болон бусад байгууллага, олон нийт, эцэг, эхийн төлөөлөл, ҮБХИС-ийн удирдлагын зүгээс хөндлөнгийн хяналт тавих нөхцөлийг бүрдүүлсэн байна.

1.6. Аюулгүй байдлын дээд сургуулийн бакалаврын хөтөлбөрөөр суралцахыг хүсэгчид өөрийн биеэр ирж бүртгүүлэхээр зохион байгуулна. Элсэлтийн үйл ажиллагааг 2024 оны 12 дугаар сарын 30-ны өдрөөс 2025 оны 01 дүгээр сарын 17-ны өдрийг хүртэл хугацаанд зохион байгуулна.

1.7. ҮБХИС-ийн иргэний чиглэлийн бакалаврын хөтөлбөрийг хэрэгжүүлэгч нь Аюулгүй байдлын дээд сургууль байна.

1.8. Бакалаврын хөтөлбөр:

ҮБХИС-ийн 2024-2025 оны хичээлийн жилийн бакалаврын хөтөлбөрийн элсэлтийг иргэний чиглэлээр зохион байгуулна.

Аюулгүй байдлын дээд сургуульд: Байгаль, нийгмийн шинжлэх ухаанд суурилсан дараах мэргэжлээр бакалаврын хөтөлбөрүүдэд элсэлт авна. Үүнд:

1. Олон улсын харилцаа;
2. Авто инженерчлэл;
3. Авто замын инженерчлэл;
4. Электроникийн инженерчлэл;

5. Кибер аюулгүй байдал;
6. Нийтийн удирдлага;
7. Менежмент;
8. Эдийн засаг.

Иргэний чиглэлийн бакалаврын хөтөлбөрүүдэд элсэгч нь “Цэргийн албаны тухай” Монгол Улсын хуулийн дагуу суралцах хугацаандаа цэргийн мэргэжил олгох сургалтад бүрэн хамрагдан, хугацаат цэргийн алба хаасанд тооцогдож, цэргийн нэгдүгээр зэргийн бэлтгэл үүрэгтнээр бүртгэгдэх боломжтой. Цэргийн мэргэжил олгох сургалтад хамрагдах оюутан нь бие бялдар, эрүүл мэндийн хувьд хугацаат цэргийн алба хаагчдад тавигдах шаардлагыг хангасан байна.

Аюулгүй байдлын дээд сургуульд батлан хамгаалах салбарт эрэлттэй, цэргийн чухал мэргэжлээр суралцаж буй 4 дүгээр ангийн оюутнуудыг бэлтгэл офицерын сургалтад хамруулж, бэлтгэл офицероор төгсгөж болно.

Аюулгүй байдлын дээд сургуулийн бакалаврын хөтөлбөрт суралцагч нь 1, 2, 3 дугаар ангид суралцах хугацаандаа 3.2 буюу түүнээс дээш голчтой суралцсан тохиолдолд **ОХУ, БНХАУ, ХБНГУ, ТУРК УЛС, БНЭУ, ЯПОН УЛС, БНСУ** зэрэг орнуудтай байгуулсан гэрээний дагуу Батлан хамгаалах яам, Зэвсэгт хүчний жанжин штабаас ирүүлсэн захиалгыг үндэслэн дээрх улсуудын цэргийн сургуулиудын сонгон шалгаруулалтад оролцож тэнцсэн тохиолдолд үнэ төлбөргүй суралцах боломжтой.

Хоёр. Бүртгүүлэгчдэд тавих шаардлага

2.1. Элсэхээр бүртгүүлэгч нь өөрийн хүсэл сонирхол, итгэл үнэмшлээрээ сонголтоо хийсэн, бие бялдар, “Элсэлтийн ерөнхий шалгалт” /ЭЕШ/-ын босго онооны шаардлагыг хангасан, ёс суртахууны зөв төлөвшилтэй, суурь өвчингүй, Монгол Улсын хууль тогтоомж, нийгмийн хэв журмыг сахиж биелүүлдэг, бүрэн дунд, түүнээс дээш боловсролтой Монгол Улсын иргэн байна.

2.2. Гадаад болон дотоодын ерөнхий боловсролын сургуульд суралцаж бүрэн дунд боловсрол эзэмшин, олон улсад нийтлэг хүлээн зөвшөөрөгддөг шалгалтын дүн, оноог Боловсролын үнэлгээний төвөөр дүйцүүлэн тооцуулж, батламж авсан иргэн;

2.3. Бүртгүүлэгч нь Улаанбаатар хотод ҮБХИС-ийн байрлалд өөрийн биеэр ирж бүртгүүлнэ.

2.4. Бүртгүүлэгч сонгосон хөтөлбөрт хамаарах элсэлтийн шалгалтын хичээлээр 2022, 2023, 2024 онд ЭЕШ /Монгол хэл бичгийн босго оноо хангасан байх/ өгсөн батламжаар элсэн суралцах эрх эдэлнэ.

2.5. Бүртгүүлэгч ҮБХИС-д бүртгүүлэхээс өмнө элсэлтийн ЭЕШ-ын шалгуулагчийн буланд нэвтэрч, өөрийн хувийн мэдээлэл болон дүнтэй танилцаж, зөрчилтэй асуудал байвал урьдчилан шийдвэрлүүлсэн байна.

2.6. Бакалаврын хөтөлбөрт бүртгүүлэгч нь тухайн хөтөлбөрт орох элсэлтийн шалгалтын нэгдүгээр хичээлүүдээс 1, хоёрдугаар хичээлүүдээс 1 хичээлийн босго оноог заавал хангасан байна.

2.7. Гадаад улсад бүрэн дунд боловсрол эзэмшсэн Монгол Улсын иргэнийг Боловсролын асуудал эрхэлсэн төрийн захиргааны төв байгууллагын элсэлтийн ерөнхий шалгалттай дүйцэх шалгалт өгсөн тухай тодорхойлолтыг үндэслэн элсүүлнэ.

Гурав. Элсэлт авах хөтөлбөр, босго оноо

АЮУЛГҮЙ БАЙДЛЫН ДЭЭД СУРГУУЛЬ /ИРГЭНИЙ ЧИГЛЭЛЭЭР/

Хүснэгт 1

№	Хөтөлбөр	Элсэлтийн шалгалтын хичээл, босго оноо			
		I-хичээл		II-хичээл	
1	Олон улсын харилцаа	Англи хэл, Орос хэл	480	Нийгэм судлал, Түүх	480
2	Авто инженерчлэл	Математик, Физик	480	Нийгэм судлал, Англи хэл	450
3	Авто замын инженерчлэл	Математик, Физик	480	Нийгэм судлал, Англи хэл	450
4	Электроникийн инженерчлэл	Физик, Математик	480	Нийгэм судлал, Англи хэл	450
5	Кибер аюулгүй байдал	Математик, Физик	480	Нийгэм судлал, Англи хэл	450
6	Менежмент	Математик	480	Англи хэл, Нийгэм судлал	480
7	Нийтийн удирдлага	Математик	480	Англи хэл, Нийгэм судлал	480
8	Эдийн засаг	Математик	480	Нийгэм судлал, Англи хэл	480

Босго /хэмжээст/ оноо нь хоёр хичээл тус бүрд **700-аас** дээш оноотой элсэгчдийг сургалтын төлбөрөөс **50%** чөлөөлөн элсүүлэн суралцуулна.

Дөрөв. Элсэлтийн бүртгэл

4.1. Аюулгүй байдлын дээд сургууль /иргэний чиглэлийн/-ийн бакалаврын хөтөлбөрт элсэгч Улаанбаатар хотод ҮБХИС дээр өөрийн биеэр ирж бүртгүүлнэ.

4.2. Элсэлтийн бүртгэл **2024 он 12 дугаар сарын 30-ны өдрийн 08.30** цагт эхэлж, **2025 оны 01 дүгээр сарын 17-ны өдрийн 17.30** цагт дуусгавар болж хаагдана

4.3. Элсэлтийн бүртгэлтэй холбоотой хүндрэлтэй асуудал үүссэн тохиолдолд элсэлтийн комисст хандаж шийдвэрлүүлнэ.

4.4. Хувь хүний буруугаас болж үүссэн асуудлыг элсэлтийн комисс хариуцахгүй.

Тав. Элсэгчийг шалгаруулах

Иргэний мэргэжлийн бакалаврын хөтөлбөрүүдэд босго оноог хангасан бүртгүүлэгчдээс сонгон шалгаруулалт хийхдээ хүснэгт 1-д заасан шалгалтуудын оноог 100 хувиар бодон нэмж, хэмжээст оноог тогтоож онооны дарааллаар байр эзлүүлэн хуваарь сонгуулах журмыг баримтална. Жишээ нь: Тухайн сонгосон хөтөлбөрийн хоёр шалгалтын оноог 100 хувийн харьцаагаар нэмнэ. Элсэгч нэгдүгээр хичээлд 480 оноо, хоёрдугаар хичээлд 500 оноо авсан гэж үзвэл таны нийлбэр оноо $x = 480 + 500 = 980$ оноо болно. Энэхүү оноо нь элсэгчийн ҮБХИС-д элсэхийг хүсэгчдээс шалгаруулалт хийх хэмжээст оноо болно.

Зургаа. Элсэгчээр бүртгэх

6.1. Иргэний мэргэжлээр бүртгүүлэгчдэд 2025 оны 01 дүгээр сарын 20-ний өдөр их сургууль дээр суралцах эрхийн бичгийг олгож эхэлнэ.

6.2. Иргэний мэргэжлээр амжилттай бүртгэгдэж, элсэлтийн ерөнхий шалгалтын оноогоор тухайн сонгосон хөтөлбөрийн шаардлагыг хангасан элсэгч сургалтын төлбөрийг 100 хувь төлж, суралцах эрхээ баталгаажуулна.

6.3. Заасан хугацаанд ирж, суралцах эрхийн бичгээ аваагүй бүртгүүлэгчийг суралцахаас татгалзсанд тооцож, онооны дарааллаар дараагийн элсэгчид сонголтыг шилжүүлнэ.

6.4. Бүртгүүлэгч нь суралцах эрхийн бичиг авахдаа дараах материалыг бүрдүүлсэн байна. Үүнд:

- Иргэний үнэмлэх /хуулбараар/;
- ЭЕШ-ын онооны нотолгоо;
- Боловсрол эзэмшсэнийг гэрчлэх баримт бичиг /Суурь болон бүрэн дунд боловсролын гэрчилгээ/;
- Сурагчийн хувийн хэрэг;
- БХЯ, ЗХЖШ-ын зөвшөөрөл, анги байгууллагын тодорхойлолт /зөвхөн ахлагч нарт хамаарна/;
- 3x4 хэмжээний цээж зураг 4 хувь;
- Системээс илгээсэн бүртгэлийн хуудас зэргийг бүрдүүлсэн байна.

6.5. Элсэгч нь “ҮБХИС-ийн дүрэм”-д заасан суралцагчдад тавигдах шаардлагын дагуу бүрэлдэхүүн сургуулийн захирал, Эрдэм шинжилгээ, сургалтын албатай “Суралцах гэрээ” байгуулна.

6.6. Суралцах эрхийн бичгийг бусдад шилжүүлэхийг хориглоно.

Долоо. Өргөдөл, гомдол шийдвэрлэх

7.1. Элсэлттэй холбоотой өргөдөл, гомдлыг 2025 оны 01 дүгээр сарын 20-ны өдрийг хүртэл хүлээн авна.

7.2. Өргөдөл, гомдлыг хүлээн авсан өдрөөс хойш ажлын 5 хоногт багтаан шийдвэрлэнэ.

7.3. Өргөдөл, гомдлын хариуг биечлэн амаар буюу утсаар эсвэл бичгээр мэдэгдэнэ. Хариуг амаар, утсаар мэдэгдсэн тохиолдолд алба хаагч энэ тухай тэмдэглэл үйлдэж материалд хавсаргана.

Найм. Бусад

8.1. Иргэний мэргэжлээр элсэгчид сургалтын төлбөрийн 100 хувийг төлсөн тохиолдолд Их сургуулийн сургалтын "Cloud university V2" системд бүртгүүлэх эрх нээгдэж ҮБХИС-ийн оюутны код, үнэмлэх авах боломж бүрдэнэ.

8.2. Суралцах эрх авсан боловч заасан хугацаанд хүндэтгэн үзэх шалтгаангүйгээр системийн бүртгэлд бүртгэлээ баталгаажуулаагүй элсэгчийг суралцахаас татгалзсан гэж үзэн суралцах эрхийг хүчингүйд тооцно.

8.3. Элсэлтийн цахим хуудас нь тогтмол ажиллагаатай нээлттэй үйлчилж, элсэлттэй холбоотой мэдээллээр бүртгүүлэгчдийг хангана.

8.4. Элсэгчдэд Аюулгүй байдлын дээд сургууль хөтөлбөрүүдээ танилцуулах, зөвлөгөө өгөх үйл ажиллагааг зохион байгуулна.

Харилцах утас, мэйл хаяг:

- ҮБХИС-ийн Сургалтын хэлтэс: 11-453164 /ажлын цагаар, info@mndu.gov.mn
- Улаанбаатар хот, Баянзүрх дүүрэг, 16 дугаар хороо, Улаанхуаран
[/www.mndu.gov.mn/](http://www.mndu.gov.mn/)

СУРГАЛТЫН ХЭЛТЭС